



改正

菅家文草

五

~ 16
2772
5



門 16
號 2772
卷 5

菅家文章第九 奏狀



為藤大納言請減職封半狀

右臣氏宗伏奉 恩制忝授大納言身居非據
位在具瞻銜膽棲冰懼無與二重以就列槐棘
封戶八百割土之賞臣既知其不功欺天之罪
臣未計其所避鬼神惡盈况於人乎望請職封
之中半將資 公府之禮節唯所遺歲入猶足
文伏臘還恐朝家以臣為不知分量矣不勝懇
欵抗言以聞誠惶誠恐頓首頓首死罪死罪謹

菅家文章

卷九

昭和十六年一月十一日寄
尼野貴英氏贈

言
負觀八年
中半為右大臣請解左近衛大將狀
右臣氏宗言先修表狀辭讓重仍愚誠雖盡遂
不聽省兢悚之深心肝如刻大將者國之弓馬
君之爪牙也若無其人國失兵機君失武備焉
氏宗泛覽官寺點閱府寮或有缺職連年猶無
害者或有空官數月而無憂者至于宿衛豈夫
可然古之聖人安不忘危先聲之談自備非常

氏宗老病相迫筋力已衰月弦暗委埃塵霜鏗空
懸蒲柳三思既畢十上何勞不獨營已專資患
國伏願特蒙天鑒避路後賢臣氏宗誠惶誠
恐頓首頓首死罪死罪謹言

貞觀十二年四月十二日

為源相公請罷右衛門督狀

右金吾之職位望惟崇臣忝得居其任皇恩不
可以測臣自去春首臥病私門未効藥石之一
功已見風景之二改仰思鳳闕悲不重趨空撫

龍泉恨無再帶伏望殊降 鴻恩幸垂天量解
罷臣職消損物譏若今遊魂可招以息殘氣得
養而留然後輸懇誠於明時竭忠節於聖代不
堪至情修狀以聞臣生誠惶誠恐頓首頓首死
罪死罪謹言 二月四日

貞觀十二年

為源相公重請罷右衛門督狀

右臣生去十五日修狀伏請罷右衛門督精誠
不達 天聽逾高臣之愚歎抑而不許臣病根

差結藥石無功效之期魂氣既浮衣冠漸趨拜
之望若帶官班空填溝壑不唯負譏於下地亦
將得罪於皇天臣盡命重蘇之時枯骨重囚之
日灰身粉骨是臣願也伏望特播弘仁再廻聖
慮恩詔一降察臣累聞不堪懇至重修表狀臣
生誠惶誠恐頓首頓首死罪死罪謹言

貞觀十二年

為右大辨藤原山陰朝臣請罷所職狀
右臣山陰謹奉去月廿九日詔命以臣任右大

辨心肝失據冰谷增危臣業廢大學性無政事
幸遇覆壽之包容久偷祿位之過溢况官惟崇
望職卽要機量其力思其列顯臣朱愚累臣自
罪加之臣先上表狀請罷右近衛權中將慮無
他貳專志在侍太上天皇誠槩纒通適賜寬裕
今當此重任更追先請人臣之節貴其有終太
馬之情何爲默止伏願殊廻照覽解罷所職蒼
天蒼天察臣懇款不堪屏營之至冒昧以聞臣
山陰誠惶誠恐頓首頓首死罪死罪謹言

貞觀十九年閏二月十日
奉大皇太后令旨請停后号兼返別封
狀

右側聞尊号之下不可久居厚賞之中難可長
保數十年來每增兢惕而已今齡隨日老病逐
老深鑿藥不効施功皇天無期降福命矣分矣
何憂何怨伏願廢太皇后之崇稱還納加千戶
之別封申志生前免誹死後復使煙霞松栢知
妾意之無累不堪丹懇頓首頓首謹言

元慶 年

奉淳和院太后令旨請嵯峨院為六覺寺狀 三代實錄二十八

右嵯峨院者太上天皇閑放之地也昇霞之後
洗日既深階庭不披臺榭亦壞仍比年頗加修
葺僅避風雨尋想宿昔之餘哀欲守終焉於此
地而今尊像禪經時備敬禮鐘磬香花隨以安
置伽藍之體佛地之端五六年來適然具足若
不變名定額以示徃來殊恐樵夫牧童或致誤

犯願也壁牆仍舊更為道場名号惟新稱曰大
覺攀慕癖號之意今古無移真如法性之因自
他共利謹請處分

元慶 三代實錄貞觀十八年二月二十

奉淳和院太后令旨請大覺寺置僧俗
別當并度者狀

右此寺元太上天皇之閑院也微誠有違乃許為
寺令所恐像未時及去聖逾遠若無精進練直
不令心事諸合願也別選持戒修心兼堪住持

管家文庫 卷九 五
每年一人豫得度例若其人研精不緩智慧有
聞者唯安祥寺等之例豫維摩最勝之堅義輪
轉之次即在安祥寺下又諸寺皆有僧俗別當
若無別當恐失細紀重願也僧俗別當各一人
隨寺家願以被配任俗別當必用公卿功德無
邊善根無量興隆佛法護念國家上奉_後過去
聖靈等下普及一切衆生界謹請處分

元慶 年九月廿 日

爲源大納言請被返納職封二百戶狀

右臣多久_{スリ}偷龍管重負鴻恩利家有餘報國猶
闕况_ヤ廼者公用煩數充費難周添室之愁臣未
舍忍謹檢故實故右大臣藤原朝臣氏宗右近
衛大將藤原朝臣常行等爲大納言之日各減
所食請輸消露早聽早通遺蹤既立伏願返納
職封二百戶將表微臣之血誠不勝悃欵陳抗
以聞臣多誠惶誠恐謹言

元慶四年六月

爲源大納言重請被返納職封二百戶

狀

右臣多先策款情謹待容納誠之無蔽拒以不
聽臣家富歲輸伏臘之餘逾積身愚朝列負喧
之志未休今如臣所請事據成式不敢追風往
賢將以底露方寸伏願陛下特垂舍弘之鑒返
納臣臆封二百尸不堪誠懇重以表聞臣多誠
惶誠恐謹言

元慶四年七月

請參議之官定為職事事

右伏見今之參議古之觀察使也考祿無法官
位不明謹案續日本紀曰太寶二年四月從三
位大伴宿禰安麻呂正四位下栗田朝臣真人
從四位上向朝臣麻呂從四位下下毛野朝
臣古麻呂小野朝臣毛野參預朝政
本官如故又省去大同二年五月四日問
曰觀察使無官位相當仍不注兼字而或云可
注兼字何以爲正明法博士讚岐廣直答曰雖
無相當官員既備仍須注兼字弘仁七年六月

廿五日問曰未得解由之參議者預釐務以
判事物部敏久答曰參議之号不載令條但大
政官去延曆八年八月廿日下民部省符傳得
省今月十三日解傳被大政官去六月一日符
傳參議正三位佐伯宿禰今毛入去月十日致符
已畢省宜承知依例施行者仍檢案内無有依
致仕賜收參議封之例今不知行狀謹請處分
者被右大臣宜傳奉勅宜准職封減半自今以
後永爲恒例者今據此符參議准職事例然則

未得解由不預釐務同十三年四月十三日問
曰前太宰帥參議從三位多治比真人身帶參
議不預他職考祿之法未知所行明法博士興
江繼人答曰太寶二年始勅任參議朝政然則
可謂職事准據令條可預考祿但相准官位事
須處分夫則太寶初置之日卽云本官如故太
同決疑之時又曰須注兼字又未得解由之人
不預釐務不帶他職之輩可給考祿之狀明法
曹司勘申先畢加之頃年之例自職事拜參議

者至兼本官必有宣旨遭喪解任之徒奪情復任亦降勅旨况所食者職事之封所載者除日之簿号之職事所據非少但格式未立考祿馬斷之法官猶無相當行守之文此其或可論非職事之故也若果謂非職事則三位參議不帶餘官者當無家司所以爲非職事三位也爰知可稱職事所據已多論非職事或有牴牾望請被定官位考祿等之式未爲職事之官謹奏
元慶六年七月一日爲式部少輔爲省修

此狀
請秀才課試新立法例狀
策問徵事可立限例事
右考課令曰凡秀才試方略策二條謹案此令問條有限徵事無期仍天長以徃一問之中多者四事少者三事尤少者每問載一事纔足於二問通而計之遂留二事承和以來二條之內少則十二義多則十六義至多則一句含數義猶謂之一徵分以言之已及卅義後文前質理

固雖然陳力展材何無程里請立新制將勸後賢

律文所禁可試問否事

右職制律曰凡玄象器物天文圖書讖書兵書七耀曆太一雷公式私家不得有違者徒一年注曰私習亦同然則律條所制不得貯其書亦無習其術已云不習何備試問唯年來之例被勅策問者題下開中時觸禁忌然而問者無辜對者無咎此間之事可謂生常今之學者動設

巢窟不獨安已將又窺入假令問者依例適發其微對者固稱畏法不習則得否之決將至申訴訴者稍得其理問者反坐其罪罪科之間不可不慎請豫降處分令問者如流既平上

對策文理可詳令條事

右考課令曰文理俱高者爲上上文高理平理高文平爲上中文理俱平爲上下文理粗通爲中上文劣理滯爲不第謹案文辭甚美義理皆通者所謂上上也文辭差鄙義理共滯所謂不

第也又檢前例文辭雖非綺靡披讀頗無大害
義理雖非全通所對纔及半分者謂之文理粗通
文辭雖有可觀義理不及半分義理雖及半分
文辭甚以鄙劣者又准之不第然則上上之第
令條可尋中上之科前例非昧不第之目則令
條前例共無可欺唯至上中之文平理平上下
之文理共平偏案令文難可會釋更據前例又
無準的請詳釋令條明立流例不令詳定之官
有所迷謬

以前條事如件臣某職忝銓衡官兼貢舉謂試
評判苟居其任况秀才者國家之所重策試之
道不敢爲輕至件三事迷途未辨伏請處分
謹奏

元慶七年六月三日

勘奏神泉苑白麕狀

右謹案史記平準書漢武帝時上林苑有白鹿
以發瑞應又孝經援神契曰德至鳥獸則白鹿
見宋均注曰應宴嘉賓然則神泉者古之上林

苑嘉賓者今之渤海客以今稔晉古應在明時圖
譜所存宜為上瑞臣伏奉勅勅申如右謹奏

為侍從等請引駒日賜幄座狀

右侍臣之職陪從惟務大小宴遊座席隨設唯
至引駒未有前例雖然當日早朝會集本所
乘輿初出行列如常比至馬場出居太夫高昇
殿上辨少納言引就幄中諸衛府并臨時候階
下之輩各有所守容身就地自餘侍從東西分
散及還本宮不違赴集所司每加嚴呵閉山不

敢措詞尋其所以急由無座望請別賜幄座將
備祔候送日之資儲在本局事須遞相往還不
空幄下晚頭就列陳力無疲謹請處分

元慶七年四月一日

請被補文章博士一員闕共濟雜務狀

右謹檢太學諸道博士明經之學所習惟大故
官無暫曠五人全備箠明法書音等生徒雖必
常補一員文章則學業非小於明經博士猶同
於書等非唯乏少又闕一員某天性之暗一人

難堪方今碩學成列既有其人伏望被補件闕
共濟雜務臣某誠惶誠恐謹言

元慶八年二月廿五日從五位上行式部

少輔兼文章博士加賀權守菅原朝臣

為在中納言謝民部卿狀 三代實錄四十五

右臣行平伏奉今月九日詔旨以臣為民部卿
恩暄冬日懼切春冰三省而慙一身無厝臣謹
檢人民損益倉庫盈虛雖繫國吏之常憂復關
所司之明察故既往任此職者皆是詳通政事

廣躡吏途僉白之容具瞻所屬而已臣累佩銀
魚久忍尸素縱期粉骨已無才智之可施空叩
丹心唯有老病之相迫上畏玄鑒下愧蒼生伏
願陛下曲迴聖鑒臣所職勿俾微臣為天工
之盜機要為閑曠之官臣行平誠惶誠恐頓首頓
首死罪死罪謹言

元慶八年三月廿一日

請罷藏人頭獻狀 文粹五

右臣某伏奉昨日任藏人頭之勅旨夢中之想

經曉猶迷冰上之行向春欲爾臣謹檢近代之
例天安藤原良繩負觀藤原家宗同山陰仁和
平正範藤原有穗源元當代藤原時平同高經
源希等或出自潢流或生於鼎族其德也堪守
芝蘭之種甘八威也足率鸞鳳之群未有凡夫儒
士之能當此任以遺其名者矣臣罷官南海歸
命北辰枯苑更華死骨重肉馴闕下而趨拜分
已無涯列侍中以周旋恩何不翊古人云服之
不衷身之灾也臣自謂褊衣短裳亦復慎之况

其職之乖人望乎况乎其任之違天量乎伏願
聖主陛下停臣所掌更選其人勿俾跋悍妄觸
仙欄腐鼠初汗禁省而已縱使臣凌崩浪於鰲
頭臣豈敢辭命縱使臣蹈畏途於虎尾臣豈敢
借身唯此非據之職臣之所不知也臣某誠惶
誠恐頓首頓首死罪死罪謹言

寬平三年二月廿日散位正五位下臣菅
原某

重請解藏入頭狀

右臣某不堪件職之狀以去二月卅日上奏右
少辨希傳勅旨云事須先舉可替之人然後辭
退件職又奉口勅云早從職掌不得闕怠自
今以來漸六十日進退周旋莫不違禮奉行宣
下皆斯失常加以某去三月九日任式部少輔
今月十一日兼左中辨此兩箇職過分踰涯况
復直瀧口撰書之所候御前侍讀之換所帶
者二官所勤者兩役虛瑣之才難可兼濟望請
特被殊優將解件職然則寵光之中暫全傷翊

恩澤之下久養枯鱗不堪至誠重請處分謹
言

寬平三年四月二十五日藏人頭正五位

下左中辨兼式部少輔某

請令諸公卿議定遣唐使進止狀

右臣某謹案在唐僧中璿去年三月附商客王
訥等所到之錄記大唐凋弊戴之具矣更告不
朝之間終停入唐之人中璿雖區區之旋僧為
聖朝盡其誠伏馬越鳥豈非習性臣等伏檢舊

記度度使等或有渡海不堪命者或有遭賊遂
亡身者唯未見至唐有難阻飢寒之悲如中璫
所申報未然之事推而可知臣等伏願以中璫
錄記之狀遍下公卿博士詳被定其可否國之
太事不獨爲身且陳欵誠伏請 處分謹言

寬平六年九月十四日大使參議勘解由
次官從四位下兼守左大辨行式部權大
輔春宮亮管原朝臣某

請令議者反覆檢稅使可否狀

右臣某謹言件檢稅使始議之日臣奏曰臣所
見只讚岐一國也以彼國之風論之若遣此使
者頗有物煩歎其日大納言源朝臣以下二三
人同有不快之氣其後令重議之場大納言奏
所勘定剝物之內若半分若三分一適被返給
於事無妨參議源希朝臣等意雖無取專許偏
被引公益遂無取因難臣某亦復如是其後使
定之日臣須斬諫止其點使事盡愚心以窮可
否而未得量決之間依有所疑猶諫不奏議畢

之後伏思起慮欲罷不能其間一兩治國能知
政術者乍聞此事無不愁悶越前守小野朝臣
葛絃等是也又大納言以下雖奏無妨之狀于
今猶有內歎臣厚蒙國恩早昇高官人之所不
安曾不可隱忍凡此議初起之由為勘出帳外
之剩物以相補國用之不足也以名言之公益
甚多臣始不固難之故是也以實論之物煩不
少臣今所重請是也何者天下諸國其俗各雖
小異其政孰非一同况乎世衰國弊民貧物乏

是故或國司乖文法以廻方略違正道以施權
議雖動不為已其事皆犯法臣今舉一條之否謹
侍覽之用臣伏惟假令或國有百方之正
稅其見所勘收者五十方其遺五十方是返舉
也收納之日其返舉之物只出利稍不出本稱
使留在民身是又明年為返舉者如是之例
歷年已久不可忽變而其國百方正稅之外更
有十方剩物惣而計之國中雖有百十方之官
稱其所實在者六十方也

出舉正稅五十方其
帳外剩物一十方

返舉之民不給見稱者專依借貸多成公事其
借貸用件剝物爰借貸無利正稅有利給無利
之實物克有利之虛物斯乃國司之取以成事
百姓之取以均役也况當于損年補調庸闕克
租稅欠之儲亦此物也天下分憂之吏不必有
姦盜人適依有姦人私用之疑專被收良吏非
常之儲臣所大恐者後代有割股肉而療飢之
喻是爲國司可失治術其否一也又假令依實
將勘收件剝物凡剝物者多是類稱也諸國類

稱者利稱用度之外皆是輕升也多者三升以
下少者一升以上雖理不可令然而天下之風
如此又收件物之後任色可克用其克用之間
又頒施百姓而已春米則取欠之積自爲所負
買物則受直之民隨成損弊事依有煩置而不
用者勘收之謀全可相違耳是爲百姓可致愁
苦其否二也又今所點使者在京七人之中左
中弁平季長者宮中要須之人也 聖主所照
不更具陳武部少輔紀長谷雄者北堂文選講

菅家六郎 卷九
說未畢諸道學生課試有負勤解由次官大藏
善行者勤不與解由狀并修貞觀以來國史主
稅頭善世有友者勤諸國公文之職不可一日
無此人太膳大夫紀清躬者是可爲官長者也
而明年闕國其大者有數推計可在之人兩三
人之内清躬其一人也左太史望材者本職念
劇之上山崎橋事是急務也近日催促殊加恪
勤今日如使者等取申者經一年餘僅可窮使
事者件等要籍之人東西出去經二年餘假令万

分之一無所實得各各取預之事共有擁滯人
人取思之謗遂無排却是爲公私可無取得其
否三也望請未召出使等之前重令大納言以
下反覆議定臣依此事之有公益不敢進狂昧
之諫諍今所請者欲令群臣重辨議以聞愚臣
之鬱結也使者未黜之前不奏之急臣不敢避
罪雖然聖主收視及聽以叶古人一日三省之
義臣某謹奏

寬平八年七月五日中納言從三位兼行

左大弁春宮大夫侍從菅原朝臣

復奏囚人拘放狀

右臣某

月十三日謹奉

口勅云去十日令

檢非違使別當從三位中納言兼行左衛門督源朝臣勘錄左右獄中繫囚之數十一日錄奏既訖須朕親到獄對放遣而德不及古事未宜今汝者朕之近習也大師也列見罪人依實拘放令如朕之所念者臣伏奉勅旨十三日早朝率從五位上守左少弁源朝臣唱大外記正

六位上多治有友左大史正六位上大原史氏

雄等會集右衛門府升殿于時左右檢非違使

佐以下召列罪人等祗候南門外大路臣召使

等先令辨申取犯輕重使等勘會日記過狀一

一執申其犯重其罪明者十六人左十一人 右五人二

人先死其遺十四人即加防接各還本獄其犯

有疑其罪未定者四十六人左二十八人 右十八人令使

等計列南門之前臣率辨以下及檢非違使等

著門中壇上胡床即口宣曰奉勅罪人汝等

或_ハ被_レ疑_ハ殺_ス入_リ傷_リ入_リ強盜竊盜或_ハ被_レ告_ス偽_ニ印強姦
投石放火如是等罪科法有限今如聞有司搜
實情之間空送二三年獄官尋證驗之內縱經
五六月須雖累年序雖積旬月愜定其犯明立
其罪在理出入隨事拘放然而別有所念直以
放免汝等重有所犯後自曾不寬宥者罪人等共
稱唯或伏地嗚咽或仰天嗟歎勅使府官道路
見聞不勝感泣拭淚而歸臣某頓首頓首死罪
死罪伏錄事狀謹奏

寬平八年七月

中納言

爲藤相公請罷職狀

右臣高藤謹言臣伏奉去年十月二十六日
詔旨以臣被任參議之列臣激勵愚性扶持病
身晨昏備負左右從事而衰老追來宿痾弥倍
計不上則拜除之後及三百日量其力則尪弱
之中過六十年縱使皇恩忍以無咎如何天鑒
明而不容思之顧之以畏以慎伏願特降寵光
罷臣參議不勝至款修狀抗聞臣高藤誠惶誠

恐頓首頓首死罪死罪謹言

寬平八年某月某日參議從三位行近江
守臣藤原朝臣高藤

請特授從五位上大內記正六位上藤
原朝臣菅根狀

右臣某謹尋事意去寬平五年四月二日東
宮之始太上天皇勅臣曰此般東宮每事省略
仍二員學士闕而不補汝已任亮兼供執經云
云臣須伏奉 綸旨一身兩役而所守念劇遂

違 勅命爰至于十月以臣不遵執經之狀奏
聞 太上皇即舉件菅根令聽昇殿菅根晝夜
恪勤上日明日每當顧問應對無私縱容之次
宿侍之間引經傳以發 春情抽章句以催文
思其所奉授者曲禮論語後漢書等秩卷有餘
以口奉習之類不可勝計加以菅根對策及第
之後七箇年于今也准之前例謂爲晚成况年
四十三多後等輩伏願特蒙 天鑒叙之上階
一補成業之舊功一明侍讀之新賞臣某頓首

頓首誠惶誠恐謹言

寬平九年七月 日正三位權大納言兼
行右近衛大將菅原

上太上天皇請令諸納言等共參外記
狀

右臣某謹檢去寬平九年七月三日讓位詔
命曰大納言藤原朝臣權大納言菅原朝臣等
可奏可請之事且誨其趣奏之請之可宜可行
之政無誤其道宜之行之者而諸納言等持疑

以為奏請宜行自非兩臣更不可勤臣再三反
覆 詔旨云云奏請之人雖稱所指尋常之務
無止諸卿加以臣業有文書欲伺閑以傳授身
非木石思寄暇而攝治藤原朝臣獨自從政何
堪每日頻參之役伏願 太上皇陛下述去年
詔命之意察今日申請之誠宣諭諸納言等相
共令參外記然則庶務繁多暫無擁滯群臣激
勵俱致恪勤臣某誠惶誠恐頓首頓首死罪死
罪謹言

昌泰元年九月四日權大納言正三位兼
行右近衛大將民部卿中宮大夫菅原

重上

太上天皇決諸納言所疑狀

臣某謹言伏奉今月十八日 勅旨諸納言之
所疑一朝冰解讓位詔之攸指千載日明臣素
性雖劣丹誠最深奏請宣行盡忠不敢迴避養
身傳業隨狀將得優遊臣悅至焉臣願足矣臣
某誠惶誠恐頓首頓首死罪死罪謹言

昌泰元年九月十九日

爲左大臣請欲以極樂寺爲定額寺狀

右臣亡考昭宣公占山城國宇治郡地有意欲
建立極樂寺本尊且現堂構未成募金沙以揚
名先白露而殞命臣思述其志八載于今鳳刹
龍銜見聞之情相感香煙花朶供養之法僅存
雖無莊嚴之可觀猶是塵俗之難犯也伏願
陛下鴻慈特廻天鑒列之定額將遂宿心臣時
平誠惶誠恐頓首頓首死罪死罪謹言

昌泰二年 月 日

請罷右近衛大將狀

右臣某出身儒館偷職武官三四年來罪深責重伏願聖主陛下曲降鴻慈罷臣大將不勝悃切之至修狀以聞臣某誠惶誠恐頓首頓首死罪死罪謹言

昌泰三年二月六日

菅家文草第九終

菅家文草第十

表狀牒狀

表狀

為藤大納言辭右近衛大將表

三代實錄十三

臣氏宗言臣伏奉 恩制得備宿衛光寵自天懼心無地臣誠惶誠恐頓首頓首死罪死罪臣才非文武智謝股肱忝假納言之名空竊大將之号一以慙於過分一以耻於非據况乎乘榆景暮蒲柳氣衰僅可陪縉紳之臣何堪預陛戟之列仍先再修上表請解右大將遂無聞天之聲逾

菅家文草

卷十

十一

益伏地之恐臣以爲甲冑未必忠信忠信自爲
甲冑望請解罷所帶避路於後賢臣不素可以
除臣愚丹可以盡不勝懇歎抗表以聞臣氏宗
誠惶誠恐頓首頓首死罪死罪謹言

貞觀八年十一月二十九日從三位守權

大納言兼右近衛大將臣藤原朝臣氏宗

上表

三代實錄爲太政大臣謝加年官賜隨身第一表
十九臣良房言伏奉今月十日勅旨賜臣以食邑

如舊命年官准三官帶刀資人隨身兵仗等事
荷恩不力銜膽無間中臣聞大政大臣者上理
陰陽下經邦國一人有慶師範猶施四海無波
儀形自用而先帝不弃臣庸瑣委以此崇班純
陽未免履氷臘月逾添流汗自愧形影深執搗
謙唯許減封三分有一中又隨身兵仗等事雖舊
貫臣不敢當其仁年官則恩是新情臣未堪爲
其首故臣並固辭以視不虛受今陛下更憲
章先帝重宣慰鴻私忠誠不移先後惟中臣欲

推賢以避路何私陛下公選之官將扶老以干
城何分陛下宿衛之士况比年調和不偶水旱
重仍倉庫少禮節之資城池失金湯之險故去
十一年六月二十六日聖主下勅曰服御常膳
並宜減撤同年七月二日公鄉上奏曰五位已
上封祿亦暫減折其議未復其事猶存豈君臣
偏好卑謙蓋內外共待豐稔若以斯時全食彼
邑欺耻格於先帝而取嫌猜於當時也且尸素
者天奪其鑿充盈者鬼瞰其家溫飽有餘何以

志止足年齡已暮暫欲養遊魂臣所以不奉遵
公私兼濟而已不任懇歎屏營之至謹修表狀
陳讓以聞臣良房誠兢誠惕頓首頓首死罪死
罪謹言

貞觀十三年四月十四日太政大臣從一

位臣藤原朝臣良房上表

三代實錄
十九

為大政大臣重謝年官隨身第二表

臣良房言去十五日中使中納言藤原朝臣

經至奉宣聖旨返臣上表將遂先勅頰苦刻

肌無慙蜚耳謝中臣自謂功之輕薄鴻毛則其重
萬鈞賞之深淵鰲海則其淺三尺蓋荒年祭祀
禮不必克豐嗛歲威儀事或從儉約今陛下藜
藿自存王公茅土且減臣全不食邑之意將斷
先已之嫌若事不得已義可必行五稼登年群
臣復舊然後同享所減臣願足矣又陛下不許
臣就私第賜直廬於禁中霜仗百重隨身何用
虎賁千列帶仗安施臣所以固辭亦復在此臣
所有一兩僕隸皆是陛下幼年之侍童也隨

分得官者或年三四人陛下以為慰舊功力
臣以為拜家數人未報萬乘之先恩何擬三官
以新制臣持心不重暫欲樂地中之山稟質猶
輕恐不為風下之草今不堪懇誠重表以聞臣
良房誠惶誠恐頓首頓首死罪死罪謹言

貞觀十三年四月十八日大政大臣云云

為大政大臣重謝年官隨身第三表
良房言丹款無遺紫泥不測事之嫌志之執

至于再至于三臣某誠惶誠恐頓首頓首死罪
臣伏惟蒲而不傾者未聞百器之一器貴而能
久者誰見萬家之一家臣雲漢昭回位望斯極
天顏咫尺恩寵有餘臣所以固辭崇賞爰復一
如前表而已殊恨桑榆景薄蒲柳秋深雖有肝
膽之精勤而闕晨昏之供奉縱使臣封至連城
富爲潤屋歲入之多家門可無遊用日克之費
伏臘今有幾迴時不可留心不可轉臣輸陛下
以忠誠無二陛下賜臣以眉壽且千又如勅

旨則陛下自_レ有忘德之嫌歸臣多_レ以好謙之責
昧死無地眉自何施而事爲國不爲身義向公
不向私將分_レ憂織婦何取笑樵夫臣枯骨之餘
請_レ訓蒼昊臣寸心之重願帶黃河今不堪精誠
之至累表_レ枕聞臣_{良房}誠惶誠恐頓首頓首死
罪死罪謹言

貞觀十三年四月二十日大政大臣云云

爲太學助教善淵朝臣永貞請解官侍
母表

臣永貞言永貞當年負笈壯日成功乃心於王
室之前义手於黎民之下臣母妾今年八十有
五颯風南吹薄暮西夕豎雖三世藥雖萬金施
之遊魂有何一効臣聞侍養之道律令有文子
孫盡之然後旁達臣被天摩折終鮮兄弟臣弟
少外記愛成身居顯官才劣可用臣爲太學助

教十五年來圓冠非中身之服函丈是遊手之
資羊質虎皮名留實去夫人生於三事之如一
居官以養異於委親然而君臣絕道愛敬不可
兩全朱白殊門忠孝何以兼濟臣先是帝城之
外有一小園茅屋數間草萊三迳樵蘇之費不
備力以何供藜藿之羹不假地而欲薦此是區
區之尺土足待老母之餘年弟愛成出爲魏闕
之臣臣永貞入爲寒閨之子或家或國共是王
臣伏惟聖朝爲民父母以孝行治政不及旦暮

之人恩先遍期願之老昔令伯爲祖母辭官晉
帝無不省覽臣今爲所生解待陛下何敢依違
縱謂臣去官請察多士之居於臣後謂臣專孝
將見求忠之心於臣門若桑榆遂落骸骨長歸
歛手足形乃盡臣節而已今不勝烏烏之情昧
死以聞臣永貞誠惶誠恐頓首頓首死罪死罪
謹言

貞觀十四年

爲右大臣謝官表

文粹五

臣基經言

基經

伏奉恩旨以去八月十五日任

右大臣仰思注意望辰極以魂亡俯紵具瞻揖
烝黎而顏厚臣某誠恐誠惶頓首頓首死罪死
罪臣銀黃監服菽麥弥昏欲報光寵於昊蒼更
累崇班於尸素况乎禮之強仕臣齒未滿其期
書之阜成臣能未及其事昔甘羅之一十餘二
以多智不爲少年今微臣之三十有七以無才
猶謂太早伏願陛下鴻慈聽臣愚悃退臣所
帶俾槐路絕曠官之聲華門得稅駕之地不勝

至誠上表以聞臣基經誠惶誠恐頓首頓首死罪死罪謹言

貞觀十四年十月十三日右大臣正三位

云

為小野親主謝別給封戶第一表

臣某言去九月二十一日勅旨賜臣百戶之封以助齋餼之費仰承溫煦未悟比量謝中臣往年病發沉困不歸謝簪纓於帝城約香火於釋衆菩提一念身雖在草庵之中空觀六時心未

離魏闕之下大致臣合門萬事皆隨省折灰冷之服備避風菜茹之食資送日若更蒙新賞猶滿舊封水石幽閑之地有嫌於貯藏煙霞晚暮之家無節於遊用陛下寵光不翅恩之又恩甚深臣虛受非功過而弄過惟重伏願陛下察臣丹款照臣素情卷中綍於九重留上腴之百戶臣願足矣臣望稱焉臣某誠惶誠恐頓首頓首死罪死罪謹言

貞觀十年十月十九日

爲小野親王重謝別給封戶第二表
臣某言中使右近衛少將平朝臣正範至臣草廬宣傳口勅推心出言中情自見量分辭賞上表無聽臣葭葦屬貴磐石對高將繫歎電於殘魂奄超玄流於遺教王臣匪躬之義念念逾真佛子行道之勤生生何慢至彼曉嵐蕭颯讀誦經行澗水潺湲優游自得斯則所以陛下不咎臣入道俾成臣本願之故也何更家蓄萬鍾空待山鬼之瞰室無懸磬長失野夫之聞陛下鴻

慈願賜照察臣之幸矣不_レ_レ然悅乎無勝歎重累以聞臣某謹言

貞觀十三年十月二十五日

爲小野親王重謝別給封戶第三表

臣某言去月二十六日中使左近衛少將藤原朝臣有實至謹奉勅荅宣喻殷勤淚汗俱下_中謝臣昔帶職從事之日冠蓋無非聖恩臣今移病出家之時衣鉢皆是官施一死一生或出或處若負恩德明神願之臣伏案去十月二十三

日施行詔書勸督州吏掩水傷之尸骸收拾郡
民復風宮之備役自古聖帝明王未聞無災唯
在克己復禮謂之有道而已方今如綸命之直
養臣以孔懷之親陛下既憂國家小臣豈安
寢夢嗟辱臣御裁松竹寒而不可裁衣產業香
華飢而不可充食然猶庶幾手掬山椀以備租
稅之逋懸肩舁野蔬以助黎民之炊爨曷爲當
此有損之年空受無功之賞使陛下取名於私
親小臣忘義於知止縱天下譏不載干口而臣

獨自不懼于心乎伏望特賜優恕察臣愚歎臣
寄生者陛下將終始於一心臣師事者世尊
何屈申於兩舌不敢飾謙恐處違勅慈悲哀愍
必垂聽許不堪悃誠之至重以上表并聞臣某
誠惶誠恐頓首頓首死罪死罪謹言

貞觀十六年十一月

爲式部鄉親王請罷所職表

臣忠良言中使官姓名至宣傳只勅擢臣退官
之情加以溫慰之辭臣位高二品年迫六旬寵

光之恩甚深，報國之力既屈，然氣離魂魄，王母甫降而不治病，結膏肓，扁鵲重產而何益，望闕嗚咽，冠帶不由命矣。皇天使臣固疾伏願，陛下內照眷情，外顧人議，以賜優放，為臣長生之術，以察愚誠，為臣不死之藥，不堪悃歎，重累杭聞。臣忠良誠惶，誠恐頓首頓首，死罪死罪，謹言。

年 月 日

為右大臣上太皇太后重請被停撰政表
臣基經言中使右近衛權中將藤原朝臣山陰

至奉傳，勅旨抑止。臣請不知愚歎之乖，聖懷更疑微誠之逸，天聽臣某誠惶誠恐頓首頓首，死罪死罪。臣位貴官重，皆是陛下之殊私，祿厚封高，然復陛下之絕寵，殊恨淹引日月，偷安非服，不意綸命乍降，屬以重寄，縱令陛下責臣，以有下割之刀，而復臣訴。陛下以無再全之錦，不獨顧身，然能思國，以臣思國之慮，將盡報主之情。陛下推而察之，莫重臣罪，臣以為春蒼夏昊，猶是一天朝，東暮西未，為兩日伏願。

臣心不離魏闕將致今上臣子之忠臣身常侍
仙階不失亡叔臨終之命臣謹檢故事皇帝之
母必外尊位又察前修幼主之代太后臨朝陛
下若寶重天下憂思幼主則皇母尊位之後乃
許臨朝之儀臣竭力施功不敢懈緩臣誠盡矣
臣願足焉不堪悃歎之至累表上聞臣基經誠
惶誠恐頓首頓首死罪死罪謹言

貞觀十八年十二月五日

為南大納言致仕表

臣年名言臣聞年滿致仕人臣之禮也氣衰發
病人生之命也氣衰年滿臣既知之知而忘之
未免重責謝中臣位昇三品職至納言前競却揚
水淵意危昨是今非犬馬齒截臣平生以為性
雖愚蒙止足之分不敢踰矩力雖喘息貪進之
間不敢從心至于陛下即位春秋甚富臣不忍
逐孤雲以歸骸骨苟且延數日而報國家豈圖
心事不諧因病乍發淹沉未幾魂氣如離臣自
謂茅土封高皇天降譴於陰罰康衢漏盡具鑒

結罪於夜行臣八百戶之恩死而不朽臣七十
年之壽生以幾時伏願 陛下賜臣放歸優臣
告老以聞恩許為藥石之効以蒙勅裕為招復
之方臣欲荷表函以奏闕下起居不便冠帶無
由故謹遣男從五位下內藏助良臣抗表以聞

貞觀十九年四月八日

三代實錄
三十五

奉勅重上太上天皇請不減御封表

臣諱言伏奉勅旨減折御封不恭承而止畏
切棲氷欲掛默以從誠虧底露中謝臣聞天之與

入孝子業在諧命事之隨理愚夫慎其有常故
一天下之至尊臣不拒前勅於童稚二千戶之
甚少臣能執舊章於老成而今枉降中使重叙
眷情纔納半封更增掎挹臣謹計入租伏量輸
貢若任土非實恐支用或虛陛下縱損全數雖
有撝謙之德臣遂從折分既忘愛禮之義况皇
天貴誠不貴物臣子為道不為身 陛下臣之
皇天也請將盡誠於方寸臣陛下之臣子也請
不失道於小銖伏願鴻慈迴照鑒臣血誠仰雲

霄以兢惕流汗臨淵谷以累表抗聞臣諱誠忠
誠惶頓首頓首

元慶三年二月十七日

爲公卿賀朔旦冬至表

文粹四三代實錄
三十六

臣基經等言臣聞潛鱗游泳樂春水於和風
稚羽來賓拂曉雲於秋月彼微情之二物猶感奉
矢况在位之群臣誰忘欽化臣某等誠歡誠喜
頓首頓首死罪死罪夫三象和程四騶得道斯
乃寒溫之平也雙離合璧五緯連珠斯乃聖哲

之事也臣等謹案曆曰十一月丙辰朔旦冬至
誓之舊章理誠宜賀伏惟皇帝陛下欽若無掩
昇惟馨於昊天敬授不倫襲其是於黎庶盖古
先帝之所希有舊史氏之所罕言陛下得之明
德至矣倚歟日則南至陛下向陽之美可觀星
惟北共臣等請闕之誠何切聖壽無疆明時有
瑞不勝抃舞拜表以聞臣某等誠歡誠喜頓首
頓首死罪死罪謹言

元慶三年十一月一日

為尚侍源朝臣全姬請罪職表 文粹五

妾全姬謹言妾先陳悃誠請解所職重年遠隔
單素難通一二年來逾增顏厚今妾位崇三品
齡迫七旬將假脂粉以從事紫闈非扶杖之庭
欲催綺羅以勤公丹悃懸車之義妾不敢謙
退白日惟明妾亦無飾詞蒼天在上伏願殊垂
降鑒聽妾誠請避高班於賢路養殘氣於幽閨
妾全姬誠惶誠恐頓首頓首死罪死罪謹言

元慶四年

為諸公卿賀天子元服表

三代實錄 四十一

臣基經等言政之脂飾非禮不成其儀儀之縷
談惟冠以居其首伏惟皇帝陛下憲章有程
體履無蹟卜青陽而遇吉元服既崇排紫極以
臨民疑旒在矚禮之盛也賀其捨諸臣等追享
舞於百獸非驚華磬之聲學爭壽於三呼何必
岱山之岫無任抃躍之至誠歡誠喜頓首頓首
死罪死罪

元慶六年正月七日

為右大臣謝官第一表

臣多言伏奉今月十日詔旨授臣右大臣處身無地穹谷萬尋危步底春冶水三寸中謝臣政多擁咽久偷喉舌之官材長輪困幸全葭莘之質豈圖鳳銜乍翫臣之名字載其先鳴龍渙周流臣之斗筭承其渥澤切心而畏剝骨以慙慙畏不足萬死而已伏望陛下高開聖聽遠察烟丹勿使臣受陰罰於彼蒼貪重任於虛素不勝誠切上表以聞臣多誠惶誠恐頓首頓首死罪死

罪謹言

元慶六年正月十二日右大臣從二位源

朝臣上表

為右大臣重謝官第二表

臣多言今月十四日中使從四位下權左中辨兼左近衛少將藤原朝臣遠經至奉宣勅旨不聽臣表寵章不翅負荷之力難任榮分無限戰栗之情何止臣某誠惶誠恐頓首頓首死罪死罪臣內無從流之補外闕橫草之勞勲賢共

空位望惟溢縱令 陛下江海其恩奈神稜鬼
瞰何微臣灰塵其骨奈庶績具瞻何伏願 陛
下更迴覆燾之德遍施煦嘔之仁量攝臣誠莫
拒懇請不堪兢惕屏營之至重以枕表陳言臣
多誠惶誠恐頓首頓首死罪死罪謹言

元慶六年正月十九日右大臣從一位源

朝臣

為右大臣請減職封半表
臣多言臣修表辭職不聽再迴將重渥愚舟恐

屢塵聖鑠臣謹檢承前古來任大臣者倍割職
封返收公府臣雖云庸瑣見賢思齊伏願 陛
下留臣所食千戶接遺美於百年然則蕭捥之
責稍減分銖金湯之守請支萬一不堪悃歎之
至上表以聞臣多誠惶誠恐頓首頓首死罪死
罪謹言

元慶六年閏七月十六日右大臣從二位
兼行左近衛大將臣源朝臣 上表

辭右大臣職第一表 文粹五

臣道真言伏奉今月十四日詔旨以臣任右大臣仰戴天慈不知所措謝中臣地非貴種家是儒林偏因太上皇往年拔擢之恩自至諸公卿今日昇進之次無寢無食以思以慮人心已不縱容鬼瞰必加睚眦伏願陛下高迴聖鑒早罷臣官非唯不奪志於匹夫亦復得從望於衆庶不堪懇歎屏營之至上表以聞臣道真誠惶誠恐頓首頓首死罪死罪謹言

昌泰二年二月二十七日正三位守右大臣

臣兼行右近衛大將臣菅原朝臣重請解右大臣職第二表 文粹五

臣道真言去月二十八日中使從四位上修理大夫兼行左近衛中將脩前權守在原朝臣友于至奉宣恩旨返臣上表天無不覆為臣何約其周日無不臨為臣何鞫其照中謝臣初舉秀才後為博士類遷不止俄忝崇班曩者孫弘高第韋賢大儒至其居專統而屬具瞻則年已耆與學逾明也以年言之臣少於弘二十年以學論

乏臣不及賢千萬里况復當時納言居臣下者
將相貴種宗室清流皆是臣抱書卷遊蠻貊之
日位望先貴冠蓋自高臣若不獲已可就朝列
猶踞爐炭以待燒亡履台冰而期陷沒矣遠尋
漢代近計周行上畏蒼昊下耻黔庶步不安步
何以授手於紀綱心不攝心自然慙顏於鞞鞞
而已伏惟陛下追迴寵命賜解臣官改授其
人俾賢得路不在戰越兢憊之至謹無奉表陳
乞以聞臣道真誠惶誠恐頓首頓首死罪死罪

謹言

昌泰二年三月四日正三位守右大臣

重請解右大臣職第三表

文粹五

臣道真言今日四日中使從五位上守左近衛少
將源朝臣緒嗣奉傳天旨不聽懇請臣戴恩惟
重海鬻之首難勝祈感未休皇鶴之聲欲竭
臣地望荒廉售以箕裘之遺業天資淺薄飾以
蚤雪之末光不圖太上天皇拔於南海前吏聖
主陛下不棄於東宮舊臣吹毛之疵還榮華以

鋒起銷膏之毀隨爵祿以荐臻嗟屢摳衣不遑
星霜僅移一十潤屋無限封戶忽滿二千臣自
知其過差人孰怨彼盈溢顛覆急於流電傾頽
應於踰機而已伏望 睿覽降臨 宸衷曲鑒
制臣官以全臣福接臣寵以保臣身寵渥官崇
皆是不翅之飛翔也身安福景豈非無涯之霈
澤乎不勝迷懼之至重以拜伏陳言臣道真誠
惶誠恐頓首頓首死罪死罪謹言
昌泰二年三月二十八日正三位守右大

臣云云

請減大臣職封一千戶表 文粹五

臣道真謹言臣自當重命推讓三廻空谷不傳
履冰而止謝中臣伏惟大臣新任必折半封志出
於守摺謙義歸於增海營况臣性耽時習計日
之資可支家寄風情浮雲之富難繫問之千古
前規灼然取諸一身餘慶至矣伏願 聖主陛下
下上稔舊史下附所司以減臣所食一千戶不
勝懇切上表以聞臣道真誠惶誠恐頓首頓首

死罪死罪謹言

昌泰二年十一月五日正三位守右大臣
兼行右近衛大將

牒狀

奉勅為太政官報在唐僧中瑾牒

太政官牒在唐僧中瑾報上表狀

牒奉勅省中瑾表悉之久阻兵亂今稍安和
一書數行先憂後喜船源茶等准狀領受誠之
為深溟海如淺來狀云温州刺史朱褒特發人

信遠投東國波浪眇焉雖感宿懷誓之舊典奈
容納何不敢固疑中瑾消息事理所至欲罷不
能如聞商人說大唐事之次多云賊寇以來十
有餘年朱褒獨全所部天子特愛忠勤事之髣
髴也雖得由緒於風聞苟為人君者孰不傾耳
以悅之儀制有限言申志屈迎送之中披陳肯
趣又頃年頻災資具難備而朝議已定欲發使
者辨整之間或延年月大官有問得意叙之者
准勅牒送且知此意沙金一百五十兩以賜

中權旅庵衣鉢適支分銖故牒

寬平六年七月二十二日左大史云

文章生從八位下紀朝臣長谷雄

牒件人希顏不休黥膺須診秀才之選誠在斯人仍充補如件謹牒

元慶三年十一月二十日從五位上行式

部少輔兼文章博士菅原朝臣

文章生從八位上巨勢朝臣里仁

牒件人誓古惟勤日新可待仍請補得業生之

闕如件謹牒

元慶七年十月十六日從五位上行式部

少輔兼文章博士菅原朝臣

采安五年後二月十一日書之

散班藤廣

天兼元年八月八日進納 北野聖廟加後集

定十三卷之外菅相公御集一卷第十五卷同

以進納之

朝散大夫藤廣兼

